

Novitads ord la vita da Ludmilla

■ (lc) *Ludmilla Cahenzli* è mes num. Dapi onns legel jau questa ed autras gasettas e ma grittentesch che nagin scriva dals vairs problems. Perquai hai jau decidì da mezza prender a maun la tastatura e da dir tge che marscha en nossas chasadas, en nossas famiglias, en nossas lètgs. Tgi che crai che quai saja lungurus ed i na giaja tiers a nagin nagut tge che vegn traffitgà en la vita privata, lez va total d'accord cun mes um *Eugen Cahenzli*. Lez na s'interessescha er betg per problems da famiglia. Sche Vus pensais pia uschia sco mes um, lura faschai atenziun e na legì gea betg ils texts che cumparan da temp en temp sut la rubrica «Ord la vita da Ludmilla Cahenzli».